

DEN AMBIENTE

CU NOS ARTISTANAN



Jan Poets

TRIO HUASTECA PA MEXICO



Dia 8 di Juli Trio Huasteca ta biaha pa Mexico caminda nan lo bay representa Aruba den un festival di musica y teatro. E festival aki lo bai tuma na Puebla, e cuidad mas pintoresco di Mexico. E invitacion mes ta bin di Gobierno di presidente Gortarari pa muestra su paisanonan con musica Mexicano ta wordu interpreta den exterior pa extranheronan y ariba cual nivel. Segun Etty nan lo ta bon prepara pa e festival importante aki manera semper. Trio Huasteca a verifica nan lema "Aruba Ariba!". Nan regreso lo ta dia 19 di Juli. DEN AMBIENTE ta desea Trio Huasteca hopi exito y ta sigur cu nan lo sa di representa nos dushi baranca stima dignamente.

Mariachi Imperio pa ST. Maarten



Pa dia dos, tres y cuater di Augustus Mariachi Imperio lo ta na ST. Maarten pa apertura di Coffee shop Hassel. Sr. Hassel cu ta doño di un muffel shop na St. Maarten ta bai habri un coffee shop super moderno na e isla aki. Mariachi Imperio cu tin solamente un luna y mei di existencia, pero ta cosechando hopi exito actualmente. Debi di nan popularidad cu a jega te na orea di sr. Hassel na St. Maarten, nan a haya e invitacion aki. Mariachi Imperio ta forma pa: prome violista Pascual Kelly, segunda violista Pedro Kelly, biguelista Maximo Kelly, quetaron Pedro Trimon, trompetista y alavez manager Roly Werleman. Segun Roly nan ta toca musica tipico tambe. E nan cu ta interesa pe popular mariachi aki por tuma contacto cu Sr. Roly Werleman na tel: 28646. DEN AMBIENTE ta desea Mariachi Imperio hopi exito mas y un bon biahe pa ST. Maarten.

COOPERACION

ORANJESTAD(AAN)- Pa un bon causa ta haci un yamamento na esnan cu por tin un television chiquito cu no ta haci uzo di dje mas pa haci un donacion. No ta importa si e ta preto cu blanco. Tambe mester di un frigidair chiquito Ta spera cu e pueblo lo yuda.

Esnan cu por yuda cu esakinan por yama na telefoon 22335 Tina d'Isle.

BLUE WAVE

ta presenta:

DIASABRA:
DIADOMINGO:
DIAHUEBS:

Pride
Pride
Ladies Night
Al Spice cu Claudius Philips



SANDRA A FIRMA CONTRATO CU SONORODVEN



E cantante popular Sandra Croes actualmente ta na Venezuela haciendo su tramitenan pa su proximo lp "Que se mueva". DEN AMBIENTE a haya confirmacion cu Sandra hunto cu su ruman homber a caba di firma contrato cu Sonorodven pa su proximo LP "Que se Mueva".

Tambe Sandra ta siguiendo un curso di pasarela pa asina e prepara su mes pa e eleccion di Miss Mundo cu lo tuma lugar na November.

Otro informacion cu DEN AMBIENTE tin di e cantante Arubiano aki ta cu e agrupacion Las Chicas del Can tambe ta

siguiendo pasonan di Sandra y ta interesa pa e bay forma parti di e agrupacion aki.

Por a compronde cu Sandra tin tur e requisitonan cu ta worde pidi esta voz, personalidad y movecion. Tambe ta asina cu no a sigui e tramitenan aki pa asina si sigur Sandra lo ta interesa pa bay forma parti di e agrupacion aki.

Sandra ta bay? of e ta prefera di keda cu Papito y su Doble Sabor.

Locual si cu DEN AMBIENTE sa cu Sandra ta preparando su mes fuertemente pa e eleccion di Miss Mundo caminda e lo bay representa su pais Aruba dignamente.

ARAMIS CAMILO NO TA BIN ARUBA MAS



Manera ta conoci Aramis Camilo mester tabata na Aruba pa e fin di siman aki, pero no por ta na Aruba mas pa motibonan personal.

Segun comentarionan cu DEN AMBIENTE a logra haya for di un revista ta pa motibo cu su casa a core cu ne. Ta worde bisa

tambe cu hasta nan ta den problemanan di divorcio. Ta parce cu su esposa no por mas cu sinverguezura y a dicidi di pone su maletanan na porta pa e por busca un otro bida. No ta conoci pa ki tempo awor Aramis Camilo lo por ta na Aruba cu su ultimo hitnan.